

## الوحدة العربية

الوحدة العربية أمانة  
لازم نتحقق جوانبنا  
تبقى قلوبنا على بعضينا  
يصبح نصر المولى معانا  
الوحدة العربية أمانة  
ياخواتي انتم أهلي وناسي  
رح اشيلكم على عيني وراسي  
أنا فاكرك على طول مش ناسي  
انتو قلوب بالخير مليانة  
الوحدة العربية أمانة  
ياللا نكلم بعض شوية  
ونقول المشكلة إيه هيه  
رح نتحمل بعض شوية  
لو بينا وبين بعض أمانة

الوحدة العربية أمانة  
أصلنا واحد مش أصلين  
شوفوا لغتنا وشوفوا الدين  
وافتكروا ف بدر و حطين  
بالوحدة كنا اعلى مكانة  
الوحدة العربية أمانة  
ياللا نفكر ف المستقبل  
نرسم بكرة بشكله الأحمـل  
نجبر كل العالم يقبل  
صوت الحق ف دق خطانا  
الوحدة العربية أمانة  
ليه أموالنا مش ف ايدينا ؟  
سايينها ف ايدين أعاديننا  
يتحكموا ليه فيها وفينا ؟  
والأرض بتنده عطشانة

الوحدة العربية أمانة  
عايزين نعمل سوق مشتركة  
يكثر فيها الخير والبركة  
بين أقطارنا تزيد الحركة  
يبقى الخير بيتنا وويانا  
الوحدة العربية أمانة  
ياللا نكسر كل قيودنا  
ونفتِّح لآحبابنا حدودنا  
يرجع أصل ومعنى وجودنا  
ترجع عزتنا المنصانة  
الوحدة العربية أمانة  
نفسى أزور الوطن العربي  
شرقي، شمالي، جنوبي وغربي  
من غير تصاريح تقطع دربي  
واللا حروب على طول خسرانة

الوحدة العربية أمانة  
مد ايديك تمسك ف ايديا  
في المغرب والدوحة وسوريا  
في القدس وصنعاء وف ليبيا  
وف مكة نسبح مولانا  
الوحدة العربية أمانة  
أنا مصري وعراقي وليبي  
وعُماني وموريتاني حبيبي  
وكويتي وأردني أو قَطْرِي  
تونسي وحزائري أو قُمْرِي  
بحريني ومغربي وصومالي  
وسوداني ولبناني دا خالي  
وسعودي ويمني وحيبوتي  
سوري فلسطيني وإماراتي  
بقلوب بالأشواق دفيانة

